

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

Dominica I post Epiphaniam.

44

ad quod missus erat in mundum, publicè docendo & miracula edendo administrare, non immerito responderet, se oportere in his esse quæ sunt Patris sui. Idem obseruent liberi terrestres, ut obedient parentibus suis, sed usque ad aras. Amandus enim generator, sed præponendus Creator, inquit Augustinus. Et magis obediendum Deo quam homini- bus, Act. 5.v.29.

3. *Ardua*. Nam parentes Christi verbum hoc non intelligebant, inquit Evangelista. Talia multa inveniuntur in scripturis, quæ captum nostrum transcendunt. Nam naturalis homo non percipit ea quæ sunt Spiritus Dei, 1. Cor. 2. v. 14. interim cum Maria conservemus in corde, à litera clara non recedamus, tunc propter ignorantiam illam non repudiabit nos Christus, sed patienter tolerabit, sicut Apostolos, qui statum regni sui etiam capere non poterant. Nam calatum quassatum non conterit, & linum fumigans non extinguit, Esai. 42. v. 3.

De Tertio.

R. Estat ut dicamus aliquid de Christi Sub-
jectione, qua fuit.

1. *Singularis*. Nam Dei filius erat, & sponte se hominibus subjecit, quem angelii ut Dominum honorabant, parentibus obe- diens factus est, nimisrum exinanivit semet- ipsum, formam servi accipiens, Phil. 2. v. 7.

2. *Exemplaris*, quam omnes liberi imi- tati debent, iuxta quartum præceptum & di- eta Scripturæ, Eph. 6. v. 1. Col. 3. v. 20. Sir. 3. v. 7. qui contra faciunt, maledictionem pro- merentur, Deut. 27. v. 16. Exod. 21. v. 15.

3. *Salutaris*. Nam propter hanc obedien- tiā parentibus præstitam crevit

1. *Sapientia*. Quomodo Christus sapien- tiā creverit bisariatam à Doctoribus explica-

tur. Quidam de sapientia habituali, quæ ani- ma rationalis propria est, intelligunt. Hæc enim sicut in alio homine sancto, suos quo- que in Christo progressus habuit. Quidam vero ad statum exinanitionis referunt, & dicunt, fuisse quidem in Christo abscondi- tos omnes thesauros sapientiæ à primo con- ceptionis momento. Col. 2. v. 3, sed ut pro ambitione protoplastorum satisfaceret, qui sua perfecta sapientia abusi, voluerunt esse sicut Elohim, Gen. 3. v. 5. noluissent ipsum plenariè exercere suam sapientiam, ut potui- set, & in templo specimen dederat, sed oc- cultasse & plenario sapientiæ usu se sponte abdicasse. Hinc civiles dicitur sapientiā hu- mano more, quia paulatim magis & magis sibi appropriatum sapientia divina suam exegesit, ut loquitur Athanasius.

2. *Robore & potentia*. Potuisset se statim in perfecta statura sistere, ut quidem Adam aliorum hominum in utero matris concepi- nasci, & crescere etiam, ut omnem ætatem, infantes & parvulos, & pueros, & juvenes, & seniores per illam similitudinem sancti- ficaret, ut Ireneus notavit.

3. *Gratiā & benevolentiā*,

1. *In Pota*. Hinc dicitur unicus homo in gratia, Rom. 5. v. 15. & habetur hæc phrasis respectus ad typum Simsonis, Jud. 13. v. 24. sensus ergo est, quod Deus hunc puerum impleverit singularibus Spiritus S. donis, quæ progressu temporis in ipso fuerint au-cta. Nam Spiritus S. re quievit super ipso, Esai. 11. v. 1. & quandoque exterius iuxta ty- pum Simsonis specimen aliquod produxit, praesertim in miraculis, Joh. 2. v. 11.

2. *In*

2. In Solo. Nam propter illam gratiæ diuinæ ubertatem, quæ in Chtisto habitabat, gratiam quoque apud homines consecutus, & indies gratiosior acceptiorque redditus est, quia ex tyrociniis ab ipso editis plus eum quam vulgarem esse hominem quilibet animadvertere poterat, hinc etiam plenus gratiâ dicitur, Joh. 1. v. 14.

Vultis igitur parentes, ut crescant liberi vestri non solum ætate, sed etiam sapientiâ & gratiâ apud Deum & homines, educate

ipsos in timore Domini, quæ sapientiæ initium est, Ps. III. v. 10. ablegate eos in templo, cum primis ad audiendas Conclaves Catecheticas, quæ potissimum in commodum juventutis instituuntur, & cum lacte materno, quantum fieri potest pietatem ipsius instillate, quæ promissionem habet hujus & futuræ vitæ, 1. Tim. 4. v. 8. tunc certè Pater cœlestis, Deus erit vester & seminis vestri, ut Abraham promisit, Gen. 17. v. 7.

Dominica II. post Epiphaniam.

Evangelium Job. 2. v. 1-12.

Posteriori Reg. 2. v. 19. Viri civitatis Jericho ita alloquuntur Elisæum: Ecce habitatio civitatis hujus optima est, sicut tu ipse Domine perspicis, sed aquæ pessimæ, sunt, & terra sterilis. Ille iubet afferri phialam novam cum sale, & egreditus ad fontem aquarum, misit in illum sal, & ait: Hæc dicit Dominus Sanavi aquas has, & non erit ultra in eis mors neque sterilitas. Sanatae ergo sunt aquæ, usque in hanc diem, juxta verbum Elisæi quod locutus est.

Conjugium, dilecti, Civitati Jericho non inepte comparatur. Nam jucundum est in hoc statu vivere, sed aqua crucis amara querelam interdum & clamationem causat upud conjuges—hæc enim carni non sapit. Proinde ad cœlestem Elisæum Christum Jesum configendum est, qui sale consolationis aquas hasce dulcorare potest, ut comprobavit in hodierno Evangelio, quod in tres partes dividimus, describitur enim:

I. Nuptialis festivitas.

II. Suborta calamitas.

III. Christopitulantis benignitas.

J.J.

EXEGESIS.

DUæ sunt nuptiæ maxime illustres: Prioræ in Paradiso Deus ipse celebravit, cum Adamum & Eavam copularet, nam ut Poeta canit:

Pro thalamo paradisus erat, mundusque dabatur in dotem.

Posteriores celebratæ sunt in Cana Galilææ, quas Christus ipse præsentia & primo suo miraculo decoravit. Notatur autem in Evangelio prælecto:

i. *Tempus*, quando factæ sint illæ nuptiæ, nimirum die tertio. Quinam sit ille tertius dies exactè non constat. Si tamen harmoniam Evangelistarum spectemus, opinio illorum, qui tertium à colloquio cum Nathanaele habito diem hic existimant, tutissi-

F 3

ma